


Mazarin
2788

Les plaintes de la france

UNIVERSITY OF N.C. AT CHAPEL HILL



00023007568

**RARE BOOK
COLLECTION**



**THE LIBRARY OF THE
UNIVERSITY OF
NORTH CAROLINA
AT
CHAPEL HILL**
Mazrin
2788

• 22467

2988

LES PLAINTES

DE LA

FRANCE,

A MONSEIGNEUR

LE PRINCE.

*C'est d'un
élégante
plume...*

vray

A PARIS,

Chez ROBERT FEUGE', proche le puits-
Certain, à l'Image S. Sebastien.

7

M. DC. XLIX.

22107

LES PLAINTES
DE LA
FRANCE
A MONSIEUR
LE PRINCE

C. 4-20
22107
22107

A PARIS,
Chez ROBERT FEVRE, proche la porte
Coté à l'Image St. Sébastien.

M. DC. XLIX.

7



LES PLAINTES DE LA FRANCE, A MONSEIGNEVR LE PRINCE.



E nommeray-ie mon fils Prince? que quelque enchantement defigure, & qui ne porte plus les traits de ta mere: ou bien te donneray-ie vn nom plus conforme à la passion qui te domine, qu'à la tendresse que ie te porte. Helas! quand ie considere avec quelle violence tu te porte contre tes freres, tu n'es plus mon fils; mais quand ie pense que c'est moy qui t'ay porté dedans mes flancs, & qui t'ay donné la vie, ie me treuve encore ta mere. Pourquoy cruel m'as tu reduitte à te cognoistre & ne te cognoistre pas tout à la fois? Pourquoy fais tu de l'objet de mon amour vn sujet de ma haine; & pourquoy forcet tu ma raison de s'oposer aux affections de mon sang? quand i'ay senty mes ennemis me déchirer, i'ay souffert mes douleurs en patience; mais tes rigueurs me font desesperer. Ie me suis veuë quelquefois toucher le moment de ma perte, & dedans mes malheurs encore trouuois-ie quelque raison à la fureur de mes vsurpateurs; mais ie n'en

A

ſçaurois trouuer à la tienne. Le combat n'eſt pas nouueau des choſes que regit quelque antipathie; mais il eſt eſtrange en vn fils qui combat ſa mere. Tous les Eſtats qui m'environnent, ou me craignent, ou me haiſſent. Que l'Italie ſouhaitte ma ruine pour viure aſſeurée, ie n'en ſuis point ſurpriſe. Quel'Allemagne & la Flandre me redoutent & me deteſtent, ie n'en ſuis point eſtonnée. Quel'Angleterre & l'Eſpagne complottent enſemble ou ſeparement ma perte, ie ne le trouueray point eſtrange. Mais que mon fils s'arme pour me deſtruire, ce penſer ſeulement m'eſt vn coup de foudre plus cruel & plus ſenſible que ma propre perte, coniu- rée par toute la terre. Encore s'il me falloit perir par vne coniu- ration vniuerſelle, i'aurois du moins dans mon malheur inéuitable la gloire de ne ſuccomber pas ſans reſiſter : & ce me ſeroit vne douceur dans mes douleurs de deffendre ma vie iuſqu'au der- nier ſouſpir. Mais, conte toy mon fils, que faut-il que ie faſſe? dois- ie m'oppoſer à ta rigueur, ou la ſouffrir? Armeray- je mes tristes bras contre celuy qu'ils ont ſi ſouuent embrasſé? Perceray- je ce cœur auquel i'auois donné le mien? Feray- je enſin mourir ce- luy que i'ay fait viure? & par vn cruel & funeſte changement quit- teray- je ma qualité de mere pour celle d'ennemie? O l'eſtat deplo- rable où le Ciel m'a reduitte! qu'il me faille deliberer de la perte d'un fils que i'ay tant aymé : ou perir par les mains de celuy que i'ay enfanté.

Fils ingrat execute ta rage, & ſauue moy de la mienne. Ie n'y puis conſentir. Quelque demon qui te poſſede & quelque furie qui te transporte, tu es toujours mon fils, & ie ſuis encore ta mere.

Viens donc, déchire ces flancs malheureux qui t'ont porté. Tranche ces bras qui t'ont embrasſé, & perce ce ſein qui t'a nour- ry. Montre au Ciel vn endurciſſement inouy. Fais voir à la terre des crimes ſans exemple. Fais mourir ta mere, fils barbare, elle y conſent ſi tu le deſire, peus- le ſi tu oſes.

Quel plaifir auſſi bien me reſteroit de viure en te faiſant la guerre. En combattant contre toy ie me frapperois & me bleſſe- rois moy- meſme. De tous coſtez le fruit de mes combats ne ſe- roit que plaintes & que larmes. Ou victorieuſe ou vaincuë i'aurois toujours à pleurer mes enfans. Il me faudroit toujours porter le deuil

détail de la mort de tes freres ou de la tienne, & mes douleurs au-
roient des continuelz redoublemens, de voir en mon sang de toutes
partes des fratricides.

N'as tu d'autres ennemis que ceux que i'ay engendrez ? n'en
veux tu qu'à ta patrie fils, inplacable, qui prefere la Sicile à ta mere,
& vn Sicilien à tous tes freres. Romps l'enchantement qui t'aveu-
gle; defais-toy du charme qui t'abuse; mon fils, ouvre tes yeux, re-
garde la France desolée qui t'implore, & souuiens toy de la Sicile
qui t'empoisonne; la meurtriere de mes enfans n'a pour toy rien
que de funeste.

Ce n'est point pour t'animer contre mon ennemie que ie te
montre les larmes qu'elle me cause, & que ie t'enuoye les souspirs
qu'elle m'arrache. Quelque barbare qu'elle m'ayt esté & qu'elle
me soit encore, i'ay plus de soin de ton salut que de sa perte, &
l'amour que i'ay pour toy me sollicite bien plus que la haine que
i'ay contre elle. Qu'elle respire & qu'elle triomphe de mes autres
infortunes, pourueu que ie te sauue de sa rage. Helas mon fils quel
deplaisir m'est-ce de te voir exposé à la fureur d'un monstre sorty
de ces montagnes ou de ces flots, & qu'ont vommy ces gouffres ar-
dants, ou ces gouffres humides. I'ay veu iusques icy de combien de
moyens il s'est seruy pour te perdre; i'ay fremy mille fois de voir
son inhumanité t'exposer inegal au nombre de mes ennemis, & la
bonté celeste en te sauuant tousiours a exaucé mes vœux, & con-
fodu ces artifices. Tu reuiés écore tout fraischemēt d'un peril d'oū
tu n'es eschappé que par miracle; ô la plus barbare pēsee & la plus
noire furie que l'enfer ayt iamais dechainée! Ce qu'il n'a peu faire
par tes ennemis ces alliez, il le veut executer par ta mere. Deuien-
drois tu complice de ces lasches desseins, Heros victorieux en qui
i'ay mis mes illustres esperances, & serois-tu l'ennemy de ta vie &
de ton honneur, au point de seconder vn bourreau, à tous deux
également si funeste. Considere plutost, mon fils, à quelle
extremité par luy nostre destinée se treuue reduitte. Te voil-
prest à m'arracher le cœur; & moy de mesme à te percer le sein:
Funeste & noir spectacle, où le fils & la mere leuent le bras l'un
contre l'autre, pour satisfaire à la passion d'un ennemy qui les
veut perdre tous deux. Ennemy detestable, qui nous ayant of-

fencé l'un & l'autre, veut sur tous deux ensemble mettre la peine de ces offences, & exercer la vengeance de ces crimes. Fils genereux, ne fais rien d'indigne de ta mere, & iuge mieux qui de nous ou de luy doit prendre ou souffrir cette vengeance. Pour l'arracher du party honteux de ce Tyran qui me persecute, ie ne te veux point dépeindre vne vie de tout le monde trop connue. Songe seulement qu'il nous a voulu diuiser, c'est assez pour le haïr autant que tu dois, & le punir autant qu'il merite.

Esloigne toy donc de ce cruel, dont la rage contagieuse pourroit souiller ta renommée de l'infamie & de l'impureté de la sienne. Peus-tu demeurer vn moment avec le bourceau de ta mere, & regarder sans courroux celui qui fait mourir celle qui t'a donné la vie. Detourne sur moy ces regards trop indulgents dont tu le favorise. Regarde les profondes playes que j'ay receuës de sa haine & de sa malice. Voy couler mon sang de toutes parts. Regarde mes Campagnes desertes, mes villes ruinées, mes Provinces desolées. Escoute les tristes clameurs de mes pauvres enfans, qui languissent sous la tyrannie de ce Barbare. Prends pitié de ta mere & de tes freres, au moins si tu n'en as pas de toy-mesme. Esteins l'embrasement qui pour nous consumer allume ce tison qu'Etna a ietté du plus bas de ces entrailles. Voy de combien d'horreurs ce demon sorty des cachots de l'abyssme veut obscurcir l'eclat de ta gloire, quant il t'oblige d'entretenir ces flammes qui me deuorent. Vange-toy mon fils d'un attentat si detestable. Vange-moy d'une barbarie si estrange. Vange nous tous deux de ces crimes qui nous offensent doublement l'un & l'autre, qui blessent la mere en son fils, le fils en sa mere, & tous deux encore en leurs propres personnes.

Tu vois combien d'Hercules attaquent ce monstre, & combien de mes enfans à l'enuy recherchent la gloire que ie te souhaite. Pourquoi parmy tant de genereux demeure-tu stupide? & pourquoi souffres-tu que i'attende d'ailleurs vn coup glorieux que ie te demande, & que tu me dois? Reueille-toy mon bras: viens au secours de ma telle Heros inuincible, ne fais point rougir la Flandre & l'Allemagne du souuenir de tes victoires, par la honte de mes deroutes. Toy qui as battu mes ennemis iusques chez eux, ne

souffre pas qu'ils me brauent iusques chez moy. Souuiés-toy de ce que tu as esté, & sois tousiours le mesme. Le t'ay enfanté pour estre mon Marcellus, ne me sois point vn Coriolan: ou si tu l'as pû estre, fleschis-toy du moins par les larmes de ta mere.

Car enfin, mon fils, ces larmes ne sont point iniustes: & quand ie pousse des soupirs pour t'amolir, la iustice & la raison s'expriment avec la nature. Ne refuse donc point à mes vœux la punition d'un ennemy qu'avec moy le Ciel aussi te demande. Ne sois plus sourd à la voix de tant de droicts tous saints & tous violez qui t'en sollicitent, & rends-toy par là tousiours plus digne de la gloire que tu t'es acquise, du nom & de la grandeur que tu possede, & de la tendresse que ie te porte.

7
souffrir pas qu'ils me traient ainsi que moy. Souvenez-roy de ce
que j'ay esté, & loiz toujours le mesme. Je n'ay enfanté pour
estre mon marcellus, ne meslor point en Coriolan: ou si m'as
pu estre, & le plus-roy du moins par les larmes de la mere.

Car enfin, mon fils, ces larmes ne sont point inutiles: & quand
le poulx des soupis pour l'amour, la justice & la raison s'expli-
ment avec la nature. Ne refuse donc point à mes vœux la puni-
tion d'un ennemy d'un tel moy le Ciel aultre demande. Ne loiz
plus s'ouler à la voix de tant de droictes tous saints & tous violes
quit en sollicitent, & rends-roy par la toujours plus digne de
la gloire que tu t'es acquise, du nom & de la grandeur que tu
possede, & de l'atendresse que te porte.

